

VESTMINSTERSKA FONDACIJA ZA DEMOKRATIJU

Vestminsterska fondacija za demokratiju vodeća je britanska fondacija za izgradnju demokratije. Osnovana je 1992. godine i predstavlja nezavisno tijelo koje je specijalizovano za programe jačanja parlamenata i razvoj političkih stranaka.

Fondacija radi na interpartijskom nivou, sa ciljem razvoja kapaciteta lokalnih političkih partija i političara, da što uspješnije djeluju u pluralističkim i dinamičnim demokratijama. Rad fondacije sa parlamentima zasniva se na jačanju dobre uprave kroz razvoj održivih kapaciteta među parlamentarcima, osobljem parlamenta i parlamentarnim strukturama kako bi se osigurala transparentnost i odgovornost.

Vestminsterska fondacija za demokratiju ostvarila je plodonosnu saradnju sa velikim brojem parlamenata širom svijeta, u najvećoj mjeri kroz programe jačanja kapaciteta parlamentarnih službi. Otvoren parlament i dobra saradnja sa svim političkim strankama omogućili su realizaciju programa koji će u krajnjoj liniji dovesti do pozitivnih pomaka u funkcionisanju, prevashodno skupštinske službe, a zatim i cjelokupnog parlamenta. Projekat se sastoji u povezivanju britanskih partnera sa lokalnim stručnjacima, kako bi oni i nakon završetka programa bili u stanju da nastave započete aktivnosti.